

周禮疏

三



# 周禮疏卷第三

唐朝散大夫行太學博士弘文館學士臣賈公彥等撰



小宰之職掌建邦之官刑以治王宮之政令凡

宮之糾禁

注杜子春云宮皆當為官玄謂官刑在王宮中者之刑建明布告之糾猶割也察也若今

御史中丞釋曰後鄭以官刑宮中之刑不從子春官刑者見秋官司寇已云四曰官刑此小宰不徃貳之則不須

重掌又見下文觀治象乃退以官刑憲禁于王宮故知官刑明矣云建明布告之者上冢宰尊所云建六典之等為

建立之義小宰甲云建者則明布告使知而已云糾猶割也察也者既言糾謂糾舉其非事已發者依法斷割之事

未發者審察之云若今御史中丞者應劭云秩于石朝會獨坐副貳御史大夫內掌蘭臺圖籍外督刺史糾察百寮

周禮三卷

故舉漢法况之掌邦之六典八灋八則之貳以逆邦國都

鄙官府之治

注逆迎受之鄭司農云貳副也釋曰大宰本以六典治邦國今還以六典逆邦國之

治逆謂迎受句考之也大宰本以八法治朝廷官府今還以八灋句考官府之治大宰本以八則治都鄙今還以八

則句考都鄙之治皆句執邦之九貢九賦九式之貳

以均財節邦用

釋曰此三者並大宰所掌者以其冢宰制國用九貢九賦斂財賄九式用

之事之大者故小宰副貳之然大宰有九職小宰不貳之者以其九職云任萬民小宰若云貳謂任使以貳之故不

言其實九職任之使之出貢用之則小宰亦貳之九貢中兼之矣以其九職亦有九貢故也以均財節邦用者以九

式並舊有法式多少不得增減故云均節也以官府之六叙正羣吏一曰

得增減故云均節也



以叙正其位二日以叙進其治三日以叙作其

事四日以叙制其食五日以叙受其會六日以

叙聽其情

釋曰凡言叙者皆是次叙先尊後卑各依秩次則羣吏得正故云正羣吏也 一曰以叙

正其位者諸若卿大夫士朝位尊卑次列 二曰以叙進其治者謂卿大夫士有治職功狀文書進于上亦先尊後卑

也 三曰以叙作其事者謂有所執掌起事亦先尊後卑也 四曰以叙制其食者謂制祿依爵命授之亦先尊後卑

也 五曰以叙受其會者謂歲終進會計文書受之亦先尊後卑也 六曰以叙聽其情者情謂情實則獄訟之積

受聽斷之時亦先尊後卑也 注叙秩次也謂先尊後卑也治功狀也食

者謂尊卑之常各有次叙也 以官府之六屬舉邦治一曰天官

周禮三

其屬六十掌邦治大事則從其長小事則專達

二曰地官其屬六十掌邦教大事則從其長小

事則專達三曰春官其屬六十掌邦禮大事則

從其長小事則專達四曰夏官其屬六十掌邦

政大事則從其長小事則專達五曰秋官其屬

六十掌邦刑大事則從其長小事則專達六曰

冬官其屬六十掌邦事大事則從其長小事則

專達 釋曰六屬舉邦治者謂官盛任使立長官必當以屬官佐之邦治得舉是以六官各有其屬六十故



云官府之六屬舉邦治也 一曰天官謂大宰之官其屬六十謂宮正至夏采皆掌治職故云掌治也云大事則從其長者謂若膳夫鄭注云膳夫食官之長也則下庖人內外饗亨人有事皆來諮白膳夫故云大事從其長也小事則專達者謂若宮人掌舍無大事無長官可諮自專行事以下五官皆此類也 注大事從其長若膳夫共王之食小事專達若宮人掌舍各為一官六官之屬三百六十象天地四時日月星辰之度數天道備焉前此者成王作周官其志有述天授位之義故周公設官分職以法之 釋曰云大事從其長若庖人內外饗與膳夫共王之食者此並共王食是同事故庖人已下諮膳夫長官也云小事專達者若宮人掌舍直掌王之行設控柅之等二官並是小事又不立長官當官行事故云咨為一官是專達也鄭直舉天官之內其事顯者各言其一餘官若大府鄭云治藏之長地官司市鄭云市官之長春官大司樂鄭云樂官之長夏官司甲鄭云兵戈盾官之長如此之

周禮三

三

滕

類其事甚多不可具陳也小事則專達天官甚衆亦不可具言也云六官之屬三百六十象天地四時日月星辰之度數者依周髀七耀皆云周天三百六十五度四分度之一舉全數亦得云三百六十也言地則與天配合四時言周天亦是地之數十二月亦是周天之數日日行一度月日行十三度十九分度之七日月所行亦在周天之數星辰謂二十八宿十二次亦在周天數內皆不離三百六十五度四分度之一耳天地四時日月星辰之度數所從言之異耳故尚書洪範云五紀一曰歲二曰月三曰日四曰星辰皆別言之下以歷數摠結之亦是類也云天道備焉者以此三百六十官是天道備矣云前此者成王作周官其志有述天授位之義者鄭依書傳云周公攝政三年踐奄與滅淮夷同時又按成王周官成王既黜殷命滅淮夷還歸在豐作周官則成王作周官在周公攝政三年時周公制禮在攝政六年時故云前此者謂成王前於此時作周官其志謂成王志意有述天授位之義即彼周官云唐



虞稽古建官惟百夏商倍之今予小子訓迪厥官以立大  
師大傅大保茲惟三公論道經邦燮理陰陽下又云立三  
孤及天地四時之官是其志有述天地三百六十官位之  
義故周公設官分職法之也此鄭義不見古文尚書故爲  
此解若孔據古文尚書多士已下並是周公致政後成王  
之書周公攝政時淮夷奄與管蔡同作亂成王即政後又  
叛成王親征之故云滅淮夷還歸在豐作周官

**以官府**  
用人之法則彼周官在此周禮後與鄭義異也

**之六職辨邦治一曰治職以平邦國以均萬民**

**以節財用二曰教職以安邦國以寧萬民以懷**

**賓客三曰禮職以和邦國以諧萬民以事鬼神**

**四曰政職以服邦國以正萬民以聚百物五曰**

周禮三

四

時

**刑職以詰邦國以糾萬民以除盜賊六曰事職**

**以富邦國以養萬民以生百物**

釋曰云以官府六職辨邦治者六官

者各有職若天官治職地官教職其職不同邦事得有分  
辨故云以辨邦治也 一曰治職者謂以平爲義也云以

節財用者亦以制國用故也 二曰教職以安邦國以寧

萬民者安邦國與教典同彼云擾萬民此云寧萬民不同  
者上擾爲馴馴則寧義無異也云懷賓客者以有委積故

賓客懷安也 三曰禮職以和邦國以諧萬民者此與上  
禮典同也云以事鬼神者以其主祭祀當職之事也 四

曰政職以服邦國以正萬民者上政典云平邦國均萬民  
不同者服由平定使之然則 亦平也均與正義亦一也

云以聚百物者鄭云司馬主九畿職方制其貢貢即百物  
也 五曰刑職以詰邦國以糾萬民此與上刑典文同云

除盜賊者有寇則罪之盜賊得除故云除盜賊也 六曰



事職以富邦國以養萬民者上事典以生萬民生則養也與上同此六職不云官府百官與六典不同者以六職皆當職行事義不及遠注懷亦安也賓客來共其委積所以故與六典文異也注安之聚百物者司馬主九畿職方制其貢各以其所有釋曰教典共其委積者大司徒下有遺人掌十里有廬廬有飲食之等故云共委積也云司馬主九畿并引職方者司馬直主九以官府之六聯畿無貢物之事故引其屬職方也

合邦治一曰祭祀之聯事二曰賓客之聯事三

曰喪荒之聯事四曰軍旅之聯事五曰田役之

聯事六曰斂弛之聯事凡小事皆有聯釋曰云

之六聯合邦治者謂官府之中有六事皆聯事通職然後國治得會合故云合邦治也一曰祭祀之聯事三

大五十四周禮三五王壽王

曰喪荒之聯事此二者鄭注具以其二者顯著故特言之

二曰賓客之聯事者鄭雖不言案大宰大朝覲會同贊玉

幣玉獻大司徒令野脩道委積大宗伯朝覲會同則為上

相大司寇云凡朝覲會同前王唯大司馬不見有事司空

又亡四曰軍旅之聯事者以六軍軍將皆命卿田役亦

然且大司徒云大軍旅大田役以旗致萬民大司馬云大

師建大常比軍衆中春教振旅之事六曰斂弛之聯事

並大宰任九職九貢九賦司徒制貢小司徒令貢賦若通

數小官則多矣云凡小事皆有聯者謂司注鄭司農云大

關云掌國貨之節以聯門市之類是也注祭祀大宰贊

玉幣司徒奉牛牲宗伯視滌濯泣玉啗省牲鑊奉玉盥司

馬着魚牲奉馬牲司寇奉明水火大喪大宰贊贈玉含玉

司徒帥六鄉之衆庶屬其六引宗伯為上相司馬平士大

夫司寇前王此所謂官聯杜子春弛讀為施玄謂荒政弛

力役及國中貴者賢者服公事者老者疾者皆舍不以力

役之事奉牲者其司空奉豕與釋曰司農雖解祭祀及



大喪二事皆不言司空司空云故也大祭祀唯大宰尊不奉牲宗伯不言奉雞司馬直言奉馬不兼言奉羊司寇不言奉犬皆略不言可知云杜子春弛讀為施者若依施施是施惠事不必連若為弛則於事廣矣故後鄭不從之玄謂荒政弛力役者此經二曰喪荒荒謂年穀不熟大司徒有荒政十二其中四曰弛力弛力役謂廩人歲不能人二釜則令移民就穀是時弛力役也鄉大夫云國中貴者謂有官爵者賢者謂有德行者服公事者謂若庶人在官者老謂國中六十者疾者謂廢疾不堪役者皆舍不以力役之事也云奉牲者其司空奉豕與者司空雖云案五行傳云聽之不聰時則有豕禍豕屬北方又說卦云坎為豕以是豕屬水故知司空奉豕無正文故云與以疑之也

官府之八成經邦治一曰聽政役以比居二曰

聽師田以簡稽三曰聽閭里以版圖四曰聽稱

李十三卷十三 周禮三

六

何建

責以傅別五曰聽祿位以禮命六曰聽取予以

書契七曰聽賣買以質劑八曰聽出入以要會

釋曰以官府之中有八事皆是舊法成事品式依時而行之將此八者經紀國之治政故云經邦治也 一曰聽政

役以比居者八事皆聽者民事爭訟當斷之也政謂賦稅役謂使役民有爭賦稅使役則以地比居者共聽之 二

曰聽師田以簡稽者稽計也簡閱也謂師出征伐及田獵恐有違法則當閱其兵器與人并筭足否 三曰聽閭里

以版圖者在六鄉則二十五家為閭在六遂則二十五家為里閭里之中有爭訟則以戶籍之版土地之圖聽決之

四曰聽稱責以傅別者稱責謂舉責生子彼此俱為稱意故為稱責於官於民俱是稱也爭此責者則以傅別券書

決之 五曰聽祿位以禮命者謂聽時以禮命之其人策書之本有人爭祿之多少位之前後則以禮命文書聽之



也 六曰聽取予以書契者此謂於官直貸不出子者故云取子若爭此取子者則以書契券書聽之 七曰聽賣買以質劑者質劑謂券書有人爭市事者則以質劑聽之 八曰聽出入以要會者歲計曰會月計曰要此出入者正是官內自用物有人爭 注鄭司農云政謂軍政此官物者則以要會簿書聽之 也 役謂發兵起徒役也 也比居謂伍籍也 比地爲伍因內政寄軍令以伍籍發軍起役者平而無遺脫也 簡稽士卒兵器簿書簡猶閱也 稽猶計也 合也 合計其士之卒伍閱其兵器爲之要簿也 故遂人職曰稽其人民簡其兵器國語曰黃池之會吳陳其兵皆官師擁鐸拱稽版戶籍圖地圖也 聽人訟地者以版圖決之 司書職曰邦中之版土地之圖稱責謂貸子傳別謂券書也 聽訟責者以券書決之 傳傳著約束於文書別別爲兩兩家各得一也 禮命謂九賜也 書契符書也 質劑謂市中平賈今時月平是也 要會謂計最之簿書月計曰要歲計曰會故宰夫職曰歲終則令羣吏正歲會月終則令

周禮三 七 錢

正月要傳別故書作傳辨鄭大夫讀爲符別杜子春讀爲傳別玄謂政謂賦也凡其字或作政或作正或作征以多言之宜從征如孟子交征利云傳別謂爲大手書一於一札中字別之書契謂出子受入之凡要凡簿書之類曰獄訟之要辭皆曰契春秋傳曰王叔氏不能治其獄也長劑謂兩書一札同而別之長曰質短曰劑傳別之劑謂質之券書也事異異其名耳禮命禮之九命之差等 釋曰政軍政後鄭不從者若軍政自在大司馬聽之何得在此乎云比居謂伍籍也者即司徒職五家爲比出軍即五人爲伍云因內政寄軍令者謂在家五家爲比五比爲閭四閭爲族五族爲黨五黨爲州五州爲鄉若出軍則家出一人則還五人爲伍是一比長還爲五長領之二十五人爲兩是一閭閭胥即爲兩司馬領之以此言之至一鄉出一軍軍將還是鄉大夫爲之是因內政寄軍令此管子文彼云作內政司農云因內政者讀字不同云簡稽士卒兵器簿書者士卒謂車別甲士三人步卒七十二人兵器謂弓矢戈矛



戈戟皆有簿書故引遂人以證之也云國語曰黃池之會者吳語吳晉爭長吳人今日伏兵甲陳士卒百人爲徹行頭官師擁鐸拱稽名籍也先鄭爲計計謂據名籍計之義合故引之也云版戶籍者後鄭下注亦云鄉戶籍圖謂民之地圖故引司書版圖以證之云責謂貸子者謂貸而生子者若今舉責即地官泉府職云凡民之貸者以圖服爲之息若近郊民貸則一年十一生利之類是也云傳傳著約束於文書別者各得其一二家別釋後鄭不從者名爲券書即是傳著於文書可知後鄭傳別二字共爲一事解之云禮命謂九賜也者後鄭不從者九賜之言出自禮緯含文嘉八命已上乃有九賜此所聽斷何得取八命已上解之云書契符書也者謂官券符璽之書此據官子民物何得爲符璽之書解之故後鄭不從也云質劑謂市中平賈今時月平是也後鄭不從者地官質人云大市曰質小市曰劑若今月平賈不合有兩名故不從也云月計曰要歲計曰會者官之出入有要會簿書計管故引宰夫證之

周禮三卷

八

也鄭大夫讀傳別爲符別後鄭不從又云傳別故書作傳辨不從古書也玄謂政謂賦也賦則口率出泉且與役同文皆是科稅之事也云凡其字或作政者此經政役是也或作正者其字或有作正字者或作征者即孟子云交征利及鄉大夫云皆征之是也云征處多故鄭從征也孟子交征利者案孟子云孟子見梁惠王王曰叟不遠千里而來亦將有以利吾國乎對曰何必曰利亦有仁義而已矣王則曰何以利吾國大夫曰何以利吾家士庶人曰何以利吾身上下交征利則國危矣引之以證征是口稅之法云傳別謂爲大手書于一札中字別之者謂於券背上大作一手書字札字中央破之爲二段別之云書契謂出予受入之凡要者此予則取予謂若泉府云凡賒者祭祀無過旬日喪紀不過三月及旅師云春頒秋斂賒取官物後還無生利之事凡要亦是簿書也云凡簿書之最自獄訟之要辭皆曰契者簿書之要曰契即取予以書契是也獄訟之要辭曰契即鄭引春秋傳者是也其春秋王叔氏



事在襄十年彼云王叔陳生與伯輿爭政晉侯使士匄平  
王室使王叔氏與伯輿合要王叔氏不能舉其契此即獄  
訟之要辭曰契云質劑謂兩書一札同而別之長曰質短  
曰劑者案地官質人云大市曰質小市曰劑鄭注大市人  
民馬牛之屬用長券小市兵器珍異之物用短券言兩書  
一札同而別之者謂前後作二券中央破之兩家各得其  
一背無手書字異於傳別故鄭云傳別質劑皆今之券書  
也云禮命禮之九命之差等者謂若大宗伯九儀從一命  
受職以至九命作

伯差等有九是也 **以聽官府之六計弊羣吏之治**  
一曰廉善二曰廉能三曰廉敬四曰廉正五曰

**廉瀆六曰廉辨** 釋曰言六計弊羣吏之治者六計  
謂善能敬正法辨六者不同既以

廉為本又計其功過多少而聽 **注** 聽平治也平治官府之  
斷之故云六計弊羣吏之治也 計有六事弊斷也既斷以

六六十一小及六十一

周禮三

九

六事又以廉為本善善其事有辭譽也能政令行也敬不  
解于位也正行無傾邪也法守法不失也辨辨然不疑惑  
也杜子春云廉辨或為廉端 釋曰云皆以廉為本者此  
經六事皆先言廉後言善能之等故知將廉為本廉者絜  
不濫濁也云善善其事有辭譽也者謂有善事四方令聞  
辭譽也云能政令行也者謂雖無辭譽所行政令得行也  
云敬不解于位也者謂敬其職位恪居官次也云正行無  
傾邪也者以其行正直言公正無私也云法守法不失也  
者謂依法而行無有錯失也云辨辨然不疑惑也者謂其  
人辨然於事分明無有疑惑之事也杜子春云廉辨或為  
廉端者經本或為廉端後鄭不從者若為端端亦正與廉  
正為重故不從引之在下者不苟違之亦得為一義故也

**以瀆掌祭祀朝覲會同賓客之戒具軍旅田役**

**喪荒亦如之** 釋曰言以法掌祭祀已下七者皆是上六  
聯百官聯事通職者以其衆官共故經云



令百官府共其財用也然六聯之中不言朝覲會同者以彼賓客中可以兼之以其朝覲會同還是諸侯賓客之事此七事不言斂弛以其非七注法謂其禮法也戒具戒官事中之大事故退之在下注有事者所當共釋曰言禮法謂七者皆有舊法依行若九式曰祭祀之式云戒具戒官有事所當共也者此七事在大宰八法中六曰官法彼在八曰官計上者以其彼有數故七事者令百官府在上此官法無數故退在六計下也

**共其財用治其施舍聽其治訟**注七事謂先四如給役者七事故書為小事杜子春云當為七事書亦為七事釋曰七事先四謂從祭祀至賓客云如之者三也者從軍旅至喪荒也云施舍不給役者上六聯注引鄉大夫國中貴者老者疾者服公事者是也云七事故書為小事者與經不相當故杜

**凡祭祀贊王幣爵之事裸將之**子春從經為正也  
周禮三  
**事**注又從大宰助王也將送也裸送送裸謂贊王酌鬱豎以獻尸謂之裸裸之言罷也明不為飲主以祭祀唯人道宗廟有裸天地大神至尊不裸莫稱焉凡鬱豎受祭之啐之奠之釋曰案大宰職云祀五帝贊王幣爵今此又云祭祀贊此三者謂小宰執以授大宰大宰執以授王是相贊助故云又從大宰助王也云將送也裸送送裸謂贊王酌鬱豎以獻尸者上云贊王幣爵據祭天而下別云裸將是據祭宗廟且上大宰不言贊裸將則大宰不贊之故此注云贊王酌鬱豎也云明不為飲主以祭祀者朝踐已後尸乃飲二裸為奠不飲故云不為飲主以祭祀云唯人道宗廟有裸天地大神至尊不裸者據大宰祀五帝及大神示亦如之皆不言裸此文又裸將在大幣爵之下明宗廟有裸天地無裸且大宰伯祀天言煙祭社言血享大神不灌者不用降神無妨用祀豎必若然天地用八尊直有五齊三酒不言秬鬯尊者以其幕人職天地八尊者以與宗廟六彝相對為文豎人職秬鬯不入彝尊則別有尊

與宗廟六彝相對為文豎人職秬鬯不入彝尊則別有尊



矣不言者略耳不裸者覆載之德其功尤盛欲報之德明可稱焉故無裸直加敬而已其牲用特其器陶匏皆是質略之事故鄭云莫稱焉云凡鬱鬯受祭之啐之奠之者謂王以圭瓚酌鬱鬯獻尸后亦以璋瓚酌鬱鬯獻尸尸皆受灌地降神名為祭之向口啐之啐之謂入口乃奠之於地也祭天地既言無灌案宗伯蒞王鬯又案禮記表記云親耕粢盛秬鬯以事上帝上帝得有秬鬯者宗春官鬯人職掌兵秬鬯下所陳社稷山川等外神皆用秬鬯不用鬱廟言灌且亦天地無裸也天地無人職用鬯者唯有宗廟及裸賓客耳

### 爵之事凡受幣之事

釋曰凡賓客贊裸者案大行人云上公再裸而酢侯伯一裸而

酢子男一裸不酢謂諸侯來朝朝享既畢王禮之有此灌爵之禮也云凡受爵之事者謂上公與諸侯酢主之爵王受之云凡受幣之事者謂廟中行三享享時辟以帛琮以錦致享時有此受幣之事皆言凡者謂諸侯非一故言凡

周禮三

十一

以廣注唯裸助宗伯其餘皆助大宰王不酌賓客而有受之也

醉大宗伯職曰大賓客則攝而載裸

釋曰言唯

裸助宗伯者後引宗伯職者是也云其餘皆助大宰者謂受爵幣二者皆助大宰賓客醉王之時大宰於賓處受而授王王飲訖大宰受爵以授小宰受幣之時亦王親受受以授大宰大宰以授小宰也云王不酌賓客而有受酢者案燕禮使宰夫為主人是君不酌臣於諸侯亦然受酢是飲酒之事臣不可代君飲酒故有受酢之事也又引大宗伯職曰大賓客則攝而載裸者案彼鄭注云載為也言為者攝酌獻耳拜送則王也若然大宗伯非直攝王裸若上公再裸兼有后裸之時大宗伯亦代后裸也拜送喪荒則后也拜乃恭敬之事亦不可使臣代之故也

### 受其含禭禭幣王之事

釋曰喪謂王喪諸侯諸臣有致含禭禭幣王之事荒謂凶年諸侯亦

有致幣王之事上大夫不言則此小宰專受之案禮記少儀云臣致禭於王則曰致廢衣於賈人則諸侯臣皆得喪



舍注春秋傳曰口實曰舍衣服曰襚凶荒有幣王者賓也

也注客所賜委之禮釋曰云春秋傳者公羊文其舍

襚所用死之時若既殯之後亦容有致之法故禮記雜

記殯後諸侯遣使致舍注賜之禮主人受之雖不及事容

致厚意是以春秋左氏秦人來歸僖公成風之襚亦在踰

年後春秋不譏也云凶荒有幣王者賓客所賜委之禮者

案小行人云若國凶荒則令賜委之彼謂王月終則以

家賜委諸侯法此謂諸侯賜委王家法也

### 官府之叙受羣吏之要

釋曰月計曰要故每月月終則使官府致其簿書之要受

### 贊冢宰受歲會歲終則令羣吏致事

釋曰贊助也歲計曰會言

冢宰則據百官摠焉謂助冢宰受一歲之計云歲終則令

羣吏致事者謂使六官各致一年功狀將來考之故也

注使齊歲盡文書來至若今上計釋曰漢之朝集

使謂之上計吏謂上一年計會文書及功狀也

**正歲**

**帥治官之屬而觀治象之灋徇以木鐸曰不用**

**灋者國有常刑**釋曰此則大宰周之正月之吉始和

懸之於象魏其小宰亦助大宰帥治官六十官之屬及萬

民而觀治象之法使知當年治政之法也其時小宰徇以

木鐸以警衆曰不用法者國有注正歲謂夏之正月得四

常刑欲使之用命不犯刑也注時之正以出教令者審

也古者將有新令必奮木鐸以警衆使明聽也木鐸木舌

也文事奮木鐸武事奮金鐸釋曰知正歲是夏之正月

者見凌人云正歲十有二月令斬水若正歲是建子周正

即今之十月冰未堅不得斬之言正歲得四時之正周禮

則不得以此推之諸言正歲者皆四時之正是建寅之月

云古者將有新令必奮木鐸以警衆者案禮記檀弓云自

則不得以此推之諸言正歲者皆四時之正是建寅之月



寢門至於庫門振木鐸曰舍故而諱新彼及此文皆是有命奮木鐸警眾使明聽之事也云木鐸木舌者鐸皆以金為之以木為舌則曰木鐸以金為舌則曰金鐸也云文事奮木鐸者此文乃檀弓并明堂位曰振木鐸於朝天子之禮皆是也又云武事奮金鐸者鼓人云金鐸通鼓大司馬云兩司馬振鐸是也

乃退以宮刑憲

禁于王宮

注憲謂表縣之若今新有法令云釋曰凡刑禁皆出秋官今云憲禁者與布憲義同故

小宰得秋官刑禁文書表而縣之於宮內也

令于百官府曰各脩乃職攷

乃灋待乃事以聽王命其有不共則國有大刑

注乃猶女也釋曰此經於職未當稟于大宰而令百官謹于此數事以結之也

宰夫之職掌治朝之灋以正王及三公六卿大

大六十五

周禮三

十三

沈祖

夫羣吏之位掌其禁令

釋曰言掌治朝之法以正王及三公六卿大夫羣吏之位者

案司士云正朝儀之位辨其貴賤之等王南鄉三公北面東上孤東面北上卿大夫西面北上王族故士虎士在路門之右南面東上大僕從者在路門之左南面西上此羣吏即羣士是其位也掌其禁令即察其不如儀耳注治朝在路門之外其位司士掌焉宰夫察其不如儀釋曰知此治朝在路門外者燕朝在路寢庭外朝在庫門外其事希簡非常治正之所此云治朝是常治事之朝故知是路門外夏官司士所掌者知察其不如儀者宰夫與司士俱是下大夫非贊治朝又見經云禁令知直察其不如儀式者也

叙羣吏之治以待

賓客之令諸臣之復萬民之逆

釋曰此宰夫次叙羣吏諸臣等之治

職即以待賓客已下三事使之應答不關於事也言以待賓客之令此一者謂若大宗伯朝覲會同則為上相肆師



云大朝覲佐饋及大小行人掌客掌訝委人遺人之屬皆  
是待賓客之官使辨理之也云諸臣之復此其二者案夏  
官小臣職云掌三公及孤卿之復逆復逆並掌之此不言  
逆者但宰夫直次之不掌事故於文略也又案夏官大僕  
職云掌諸侯之復逆此諸臣中兼之此宰夫恒叙大僕小  
臣等辨理此復逆之事也云萬民之逆此三也者案夏官  
御僕職掌羣吏庶民之復逆彼羣吏與此經羣吏為羣臣  
別故鄭彼注羣吏府史以下此不言羣吏及復亦是文略  
也此宰夫次叙御僕使注恒次叙諸吏之職事三者之來  
辨理府史萬民復逆也注則應使辨理之鄭司農云復請  
也逆迎受王命者宰夫主諸臣萬民之復逆故詩人重之  
曰家伯維宰立謂復之言報也反也反報於王謂於朝廷  
奏事自下而上曰逆逆謂上書釋曰鄭司農云復請也  
逆迎受三命者復是報白之義不得為請故後鄭不從又  
王命既出在下受而行之不得云逆逆者向上之言不為  
向下之義故後鄭亦不從云宰夫主諸臣萬民之復逆故

六七

周禮三

十四

沈

詩人重之曰家伯維宰者知彼宰非大宰而當此宰夫者  
維宰在司徒下膳夫上故知是宰夫也此先鄭以官次第  
當宰夫案鄭彼注冢宰掌建邦之六典皆卿也不從司農  
者諸經單稱宰者皆大宰若宰夫無單言宰者故為大宰  
解之若然大宰在司徒下者彼以權寵為次不以尊卑故  
內史中大夫在膳夫上士之下師氏中大夫在趣馬下士  
之下立謂復之言報也反也者謂羣臣受王命使臣行之  
訖反報於王故云朝廷奏事也云自下而上曰逆者謂自  
上而下曰順故自下而上曰逆也言上書者則今之上表  
也若然據夏官諸侯諸臣萬民皆復逆並有則此亦皆有  
上書奏事耳司農於此注復為請逆為迎受王命後鄭不  
從乃至夏官大僕先鄭注云復謂奏事逆謂受下奏即與  
後鄭義同故彼後鄭從之若然是先鄭兩解也案內豎云  
掌外內之通令凡小事鄭注云內后六宫外卿大夫也使  
童豎通王內外之命給小事者以其無與為禮出入便疾  
內外以大事聞王則大事俟朝而自復若然何須更有小



臣等復逆乎然者一日萬機或有俟朝自復有大事  
急促不得待朝即須非時通傳使聞徹在上者也 掌

百官府之徵令辨其八職一曰正掌官灋以治

要二曰師掌官成以治凡三曰司掌官灋以治

目四曰旅掌官常以治數五曰府掌官契以治

藏六曰史掌官書以贊治七曰胥掌官叙以治

叙八曰徒掌官令以徵令釋曰言掌百官府之徵令辨其八職者謂摠王

朝三百六十官以備王之所徵召及施令若不分別其職則徵召無所指斥故須分辨三百六十職也 一曰正者

正長也六卿下各有屬六十故六卿稱正也云掌注別異官灋者掌當官之法也以治要者要謂大計要也

大八十三 周禮三 十一 金

之八職以備王之徵召所為正辟於治官則冢宰也治要若歲計也師辟小宰宰夫也治凡若月計也司辟上士中

士治目若今日計也旅辟下士也治數每事多少異也治藏藏文書及器物贊治若今起文書草也治叙次序官中

如今侍曹伍伯傳吏朝也徵令趨走給召呼釋曰自正已下為八職皆備王招呼則正亦備王招呼及所為也言

正辟於治官則冢宰也者以其六卿異目或稱大宰或稱司徒之等尊卑相似正長也每職各為一官之長故摠謂

之正也以其六者非一相比辟故以辟言之今舉天官一官言之餘可知云治要若歲計也者案下文歲終云會月

終云要旬終云成此歲云要者但六卿下云要不云會以要當會處故以治要為歲計也云師辟小宰宰夫也者以

下文四曰旅是下士諸官皆名旅其下士之上有上士中士向上差次當三曰司上士之向上差次有小宰宰夫

故知二曰師當小宰宰夫也言辟者亦是六卿之下皆有此二者若司徒之下小司徒鄉師之類故亦言辟也二者



同名師者亦是六者異目尊卑相次故同名師也云治凡若月計者上要既當歲會故治凡當月計曰要之處也云司辟上中士者此亦是題目有異若大司馬之下上士曰與司馬中士曰行司馬與諸官上士中士不同尊卑相似故摠謂之司馬以其各有職司也六官之下同名司故亦云辟也云治目若今日計也者從治要向下以次差之此治目當日計曰成之處故云今日計也云旅辟下士也者此下士既無所兼故存本號曰旅亦是六官下同號曰旅故亦曰辟也云治數每事多少異也者以上治目當日計此治數無數當下士稱旅理眾事故以治數為每事多少解之云治藏藏文書及器物者其名曰府府者主以藏物故藏當司文書及當司器物也云贊治若今起文書草也者起又書草乃後判決是為贊治之法故稱贊治也云治叙次序官中者既有才智為什長當次叙官中須人驅役之處則科次其徒故云次叙官中也云如今侍曹伍伯傳吏朝也者漢時五人為伍伯長也是五人之長言傳吏

周禮三

十六

時

朝者傳在朝羣吏諸官事務於朝也胥為什長亦然故舉漢法況之也云徵令趨走給招呼者其徒止為在朝趨走供給官人招呼使役之事也掌治灋以攷百官府羣都縣鄙

之治乘其財用之出入凡失財用物辟名者以官刑詔冢宰而誅之其足用長財善物者賞之

釋曰宰夫是句考之官故以治法考百官府及羣都縣鄙鄉遂之內治功善惡也言乘計其財用之出入者謂上數處用官物者當乘計其用財之出入知其多少云凡失財用物辟名者謂失官家財及用與物三者而辟名者以官刑詔冢宰長官誅責之也有足用用之能足注羣都長財財又能長善物物又能善如此者賞之注諸采

邑也六遂五百家為鄙五鄙為縣言縣鄙而六鄉州黨亦為焉乘猶計也財泉穀也用貨賄也物畜獸也辟名詐為



書以空作見文書與實不相應也官刑在司寇五刑第四者釋曰云羣都諸采邑也者謂大都小都家邑三處也云六遂五百家為鄙五鄙為縣者遂人文云六鄉州黨亦存焉者六遂在外尚考之六鄉在內考之可知不言者舉外以包內也云乘猶計也者計者筭法乘除之名出於此也云財泉穀也者上九賦斂財賄已釋訖云用貨賄也者案內府云掌受九貢九賦九功之貨賄以待邦之大用故知用中有貨賄也云物畜獸也者案獸人云掌罟田獸辨其名物及春秋獻獸物又牧人云掌牧六牲而阜蕃其物以此知物中有畜有獸也云辟名許為書以空作見文書與實不相應也者其人失財用物者則詐為文書以空物作見在文書與實物不相應是罪人也云官刑在司寇五刑第四者彼司寇掌五刑其四曰官刑上能糾職是也

### 以式灋掌祭祀之戒具

與其薦羞從大宰而眡滌濯

釋曰言式法者謂祭祀大小皆有舊法式

依而戒敕使共具之云與其薦羞者謂亦戒具之也云從大宰而眡滌濯者上大宰職已云祀五帝眡滌濯此宰夫

又從大宰

注

薦脯醢也羞庶羞內羞釋曰案儀禮鄉飲酒鄉射燕禮諸單言薦者皆是脯醢故知此

薦亦脯醢云羞庶羞內羞者庶羞謂天子八豆諸侯六豆之等內羞謂祭祀食後所加言內者少牢所謂房中之羞

糗餌粉

凡禮事贊小宰比官府之具

注比校次之釋曰上小宰

於七事已言以法掌戒具此宰夫贊小宰校次之使知善惡是否也

凡朝覲會同賓客

以宰禮之灋掌其宰禮黍稷膳獻飲食賓賜

之殮牽與其陳數

釋曰上大宰云大朝覲會同彼言大謂朝覲為會同而來今此朝覲

不言大則朝覲自是四時常朝及會同皆有賓客也云以宰禮之法者五等諸侯來朝天子待之自有常法若大行



人掌客者也云掌其牢禮者下別言委積之等則此牢禮  
謂饗餼之禮若然委積是賓未至時在道所設聘禮云聘  
日致饗則饗餼是朝日致之矣今在委積上者以饗餼是  
禮之大者故先言之且委積非真賓來時共之賓去亦共  
之在下亦其宜若然殮牢皆殺而云殮牽注牢禮之法  
者以掌客云積視殮牽據積而言之也注多少之差  
及其時也三牲牛羊豕具為一牢委積謂牢米薪芻給賓客  
道用也膳獻禽羞俶獻也飲食燕饗也鄭司農云殮夕食  
也春秋傳曰殮有陪鼎牽牲牢可牽而行者春秋傳曰餼  
牽竭矣玄謂殮客始至所致禮凡此禮陳數存可見者唯  
有行人掌客及聘禮公食大夫釋曰云牢禮之法多少  
之差者案大行人上公饗餼九牢饗禮九獻食禮九舉此等  
其侯伯降二等以七為節子男又降二等以五為節也又  
掌客云上公殮五牢五積侯伯殮四牢四積子男殮三牢  
三積是其數也云及其時也者案聘禮云賓至大夫帥至  
于館即言宰夫朝服設殮又云聘日致饗即天子待諸侯

大  
卷六八

周禮三

十一

徐

亦然其委積者從來至去在道而設之並是時也若然此  
等之禮並是掌客所主今此復言之者此宰夫雖非正職  
以其主陳之當知其數故言之耳云三牲牛羊豕具為一  
牢者此依聘禮卿韋弁歸饗餼於館之時有五牢鉶一牢  
設於西階腥二牢設於東階牽二牢陳于門內之西北首  
以牛一羊一豕一稱牢此既以經牢禮為饗餼故還引聘  
禮順饗餼以證之也云委積謂牢米薪芻給賓客道用也  
者依掌客云積視牽殮有芻薪及米明委積在道所設亦  
有芻米薪蒸也且地官遺人云十里有廬廬有飲食三十  
里有宿宿有委五十里有市市有積是其委積給各道用也  
云膳獻禽羞俶獻也者此聘禮記文彼注云禽羞謂成熟  
有齊和者俶獻四時珍美新物也俶始也言其始可獻也  
聘義謂之時賜是也云飲食燕饗也者鄭以燕饗解飲食  
即是飲入燕饗中不解經中食為食禮者經中言食則食  
禮自明今云飲食燕者欲見飲入燕禮可知饗中又兼燕  
與食以其饗有米有酒故也司農云殮夕食也者先鄭以



殯字夕下為之即為夕食但客至即設不要待夕故後鄭不從也云春秋傳曰殯有陪鼎者左氏昭五年楚遠啓彊曰宴有好貨殯有陪鼎是也云春秋傳曰餼牽竭矣者左氏僖三十三年鄭皇武子辭秦客杞子等云唯是脯資餼牽竭矣是也玄謂殯客始至所致禮者此易先鄭案聘禮客始至大夫帥至于館宰夫朝服設殯不待至夕也云凡此禮陳數存可見者唯有行人掌客及聘禮公食大夫者以儀禮三千條內具有諸侯之禮但亡滅者多今存可見者周禮之內有大行人掌客是待諸侯之禮儀禮之內有聘禮公食大夫是待聘客之法皆有陳數考校可知也

**凡邦之弔事掌其戒令與其幣器財用凡**

**所共者**

釋曰弔謂王使人弔諸侯自弔諸臣須從王行者并有贈喪之具百官當共故宰夫物戒令之

**與其幣器財用**

凡所共者也**注**弔事弔諸侯諸臣幣所用賻也器所致明器也凡喪始死弔而含祔葬而賵贈其

少司馬大二十**周禮三**

十九

占

間加恩厚則有賻焉春秋譏武氏子來求賻釋曰案大

宗伯云以喪禮哀死亡禮記檀弓曰君臨臣喪巫祝桃茢執戈惡之也天子之禮弔諸臣之法春秋左氏王使榮叔歸含且賵是有弔法故云弔諸侯諸臣也云幣所用賻也

者案公羊傳口實曰含車馬曰賵衣服曰祔幣不入含祔賵中故知是賻也云器所用致明器也者案儀禮既夕禮

云若就器則坐奠于陳注云就猶善也贈無常唯翫好則此贈與人亦是賓客就器而云明器者相對言之則檀弓

云竹不成用瓦不成味木不成斲琴瑟張而不平之等是主人之明器賓客所致者謂之就器就成也謂善作之名

為就器物而言之皆是神明死者之器故此就器亦名明器也云凡喪始死弔而含祔葬而賵贈其間加恩厚則有

賻焉言此者欲見賻非正禮其賻乃是於死者恩厚乃加之故禮記云弔喪不能賻不問其所費是恩厚之義也云

春秋譏武氏子來求賻者隱公三年公羊文案公羊云武氏子來求賻何以書譏爾喪事無求求賻非禮何休

氏子來求賻何以書譏爾喪事無求求賻非禮何休



云禮本為有財者制有則送之無則致哀而已不當求求則皇皇傷孝子心蓋通於下何休云云爾者嫌天子財多不當求下財少可求故明皆不當求鄭引此者見王於諸侯諸臣有歸賻爾諸侯諸臣亦不得求也顏路請子之車孔子不與亦是不合求故抑之也

### 大喪小喪掌小官之戒令帥

執事而治之

釋曰其小官士以下則此注大喪王后

喪夫人以下小官士也其大官則冢宰掌其戒令治謂共辨釋曰大宰云大喪贊贈王舍王宗伯云朝覲會同則為上相大喪亦如之鬱人鬯人俱云大喪之酒典瑞云大喪共飯王舍王彼皆據喪唯司寇云大喪前王以為嗣王皆不為后世子喪者彼皆不對小喪此大喪對小喪亦王所申服故注為王后世子也此不言庶子文不具云小官士也者宰夫下大夫所掌而言小官明是士可知云其大官則冢宰掌其戒令者冢宰不言者文不具云治謂共辨

四十四

周禮三

二十

禮

者謂當職台共者供辨之三公六卿之喪與職喪帥官有司

而治之凡諸大夫之喪使其旅帥有司而治

之注旅帥宰下士釋曰三公六卿喪尊故宰夫與春官職喪帥其於喪家有司而治之治之亦謂共辦

之大夫之喪卑宰夫不自為使在己之下其旅三十有二人帥有事於喪家之有司而治之治之亦謂共辦之也

歲終則令羣吏正歲會月終則令正月要旬

終則令正日成而以致其治治不以時舉者

以告而誅之釋曰言周之歲終十二月則令羣吏羣吏則六十官正歲會正猶定也謂一年會計

文書摠句考之歲計曰會也月終則令正月要者謂每月終則令羣吏正其月要月要謂月計曰要也旬終謂每旬



終則令羣吏正其日成日成謂日計日成也云而以攷其治者言會要成摠考之云治不以時舉者謂文書稽滯者故鄭云違時令失期會也云以告注歲終自周季冬正猶而誅之者謂告冢宰而誅責之也注定也旬十日也治不時舉者謂違時令失期會釋曰知歲終是周之季冬者以其正月之吉始和彼正月是周之正月始和布治于天下至今歲終考之是一歲之終故知非夏之歲終也云正猶定者以其文書定乃可攷之故為定也云旬十日也若上文云前期十日少牢云旬有一日旬與十日正同故知旬十日也

### 正歲則以灋警戒

### 羣吏令脩宮中之職事

注警勅戒之言鄭司農云正歲之正月以法戒

勅羣吏釋曰正歲乃夏之正月是其歲始故以法警戒羣吏令脩宮中之職事以謹勅之也

### 書其能

### 者與其良者而以告于上

釋曰上云今脩宮中之職事則此謂宮中諸吏

周禮三

二五

也正歲之正月則豫選注良猶善也上謂小宰大宰也鄭之擬至歲終當舉之也注司農云若今時舉孝廉賢良方

正茂才異等釋曰知上是小宰大宰者以其承上又歲始未是賞時且長自告于王知上非王是小宰大宰先鄭

云若今舉孝廉者謂孝弟廉潔賢良即經中良者謂有賢行而良善也云方正者人雖無別行而有方幅正直者也

云茂才者漢光武諱秀時號為茂才即經云能者也云異等者四科不同等級各異故云異等此經據宮中子弟先

鄭所云不要宮中之人引之况義耳

### 宮正掌王宮之戒令糾禁

注糾猶割也察也釋曰案下經王宮中有

官府故掌王宮之戒令之事有過失者已發則糾而割察之其未發則禁之也

### 以時比宮中

### 之官府次舍之衆寡

釋曰以四時校比宮中見任在王宮中者之官府及宿衛



者次舍之注時四時比校次其人之在否官府之在宮中  
衆寡也注者若膳夫王府內宰內史之屬次諸吏直宿

若今部署諸廬者舍其所居寺釋曰此時是尋常事故  
為四時解之案地官鄉師云以歲時巡國及野而調萬民

之難阨鄭彼注時隨其事之時不為四時解者彼據難阨  
非常故為隨其事之時不得為四時也云官府之在宮中

者若膳夫王府等者以其言在宮中之官府是執掌重事  
美物及飲食乃得在王宮故知是此人等云次諸吏直宿

若今時部署諸廬者此次謂若匠人云外有九室九卿治  
之即詩云適子之館兮鄭云卿士所之之館在天子之宮

中如今部署諸廬彼二者與此次為一物此據宮中之官  
府下官伯云授八次八舍鄭注衛王宮者彼據宮中官府

子弟云舍其所居寺者寺即舍也是官府退息之處為之版以待  
釋曰版謂宿衛

執籍校注鄭司農云為官府次舍之版圖也待待比也玄  
比之也注謂版其人之名籍待待戒令及比釋曰先鄭

以版為官府次舍之版圖者先鄭於八成注云版名籍圖  
地圖此注連言圖其版即名籍與後鄭義同後鄭以為人

名籍者增成先鄭義也夕擊柝而比之釋曰既得名籍至夕暮擊  
柝校比之恐其懈惰也

注夕莫也莫行夜以比直宿者為其有解惰離部署鄭司  
農云柝戒守者所擊也易曰重門擊柝以待暴客春秋

傳曰魯擊柝聞於邾釋曰後鄭云莫行夜以比直宿者  
謂直宿即坐持更之人則行夜者擊柝校比直宿人故先

鄭云柝戒守者所擊也易曰者是易擊辭文彼又云蓋取  
諸像鄭云注云豫坤下震上九四體震又互體有艮艮為

門震日所出亦為門重門象艮又為手巽爻也應在四皆  
木也手持二木也手持二木以相敲是為擊柝擊柝為守

備警戒也四又互體為次次為盜五離爻為甲冑戈兵盜  
諸持戈兵是暴客也又以其卦為豫有守備則不可自逸  
是也云春秋傳曰者左氏哀七年秋魯伐邾茅成子請告  
于吳不許曰魯擊柝聞於邾吳二千里不三月不至何夜



於我引之證 **國有故則令宿其比亦如之** 釋曰有故擊柝之義也

王時出行不在皆是也云則令宿其比亦如 **注** 鄭司農云之者亦如上文擊柝已上之事與平常同也 **故謂禍災**

令宿宿衛王官春秋傳曰忘守必危況有災乎立謂故凡非常也文王世子曰公有出疆之政庶子以公族之無事

者守於公宮正室守大廟諸父守賈官貴室諸子諸孫守下宮下室此謂諸侯也王之庶子職掌國子之倅國有大

事則帥國子而致於天子唯所用之者令宿之事蓋亦存焉 **釋曰**先鄭引春秋傳者左氏昭十八年夏五月宋衛

陳鄭災子產授兵登陴子大叔曰晉無乃討乎子產曰小國忘守則危況有災乎彼為則先鄭云必讀字不同也立

謂故凡非常也文王世子曰公有出疆之政者謂出朝觀也云庶子以公族之無事者守於公宮者此言與下為目

庶子謂諸侯庶子之官掌卿大夫士之適子并掌公家之事云正室守大廟者謂公族之內適子名為正室使守大

廟大廟尊故也云諸父守貴官貴室者謂同族諸為父行者貴官貴室同為路寢路寢對大廟生人之尊也云諸子

諸孫者亦謂同族之內諸為子行孫行者也云守下宮下室者下宮謂親廟四下室謂燕寢也云此謂諸侯也者謂

文王世子文是諸侯法也云王之庶子職掌國子之倅已下者是夏官諸子職文云庶子者諸庶一也於諸侯即為

庶子於天子則為諸子今因諸侯言庶子其實夏官所云是諸子職也彼鄭注倅謂副倅之倅國子謂諸侯卿大夫

士之子也云國有大事則帥國子而致於天子唯所用之者彼云大事寇戎之事卿大夫士之子屬天子故唯天子

所使用也彼是甲兵不云宿衛故鄭云令宿之事蓋亦存焉存焉者宿衛之事亦在唯所用中引之者欲見國有故

中有王出疆巡守征伐皆 **辨外內而時禁** 注鄭司農云須令宿增成先鄭義也 **分別外人內**

**人禁其非時出入** 釋曰先鄭云分別外人內人禁其非時出入者謂住在王宮中有卿大夫士等外人謂男子內



人謂婦女皆是也此男女自相對為外人內人其  
內人非謂內宰職所云內人是刑女在宮中者也 **稽其**

**功緒糾其德行** 注稽猶考也計也功吏職也緒其志業  
釋曰緒業也宮正考計其官中卿大夫

士功狀及職業多少糾察其在身為德施之為行二者也 **幾其出入均其稍食**

注鄭司農云幾其出入若今時宮中有罪禁止不得出亦  
不得入及無引籍不得入官司馬殿門也玄謂幾荷其衣

服持操及疏數者稍食祿稟 釋曰先鄭引今時者謂漢  
法言引籍者有門籍及引人乃得出入也又云司馬殿門

者漢宮殿門每門皆使司馬一人守門比千石皆號司馬殿  
門也玄謂幾呵其衣服持操及疏數者案閤人云喪服凶

器不入宮潛服賊器不入宮奇服怪民不入官司門去幾  
出入不物者謂衣服視占不與眾同及所操物不如品式

者職雖不同皆是守禁此經直云幾其出入明知兼有此  
呵其衣服持操及疏數此增成司農義也云稍食祿稟者

大司馬 周禮三 二十四 徐

言稍則稍稍與之則月俸是也則下士九人中士倍下士  
上士倍中士大夫倍上士之類其祿與之米稟故云祿稟

### 去其淫怠與其奇表之民

注民宮中吏之家  
人也淫放濫也怠

解慢也奇表譎觚非常 釋曰此一經並是吏之民云淫  
放濫也怠解慢也為此惡行也云民宮中吏之家也者

吏即宅在宮中卿大夫士其家人為此惡行也者使之不  
為即是去也此民謂若秋官隸民之類云奇表譎觚非常

者兵書有譎觚之人謂  
譎詐桀出觚角非常也 **會其什伍而教之道藝云**

注五人為伍二伍為什會之者使之輩作輩學相勸帥且  
寄宿衛之今鄭司農云道謂先王所以教道民者藝謂禮

樂射御書數 釋曰官正掌宮中卿大夫士亦兼掌子弟  
會謂會合其宮中子弟使之以五人為伍二伍為什必會

合之者欲使之宿衛時語言相體服容相識是其輩作也  
及其學問又相親及切磋琢磨是其輩學摠是相勸帥也



云且寄宿衛之令者管子云因內政寄軍令在家時五家為比在軍還五人為伍之類此亦五人為伍二伍為什使之輩學似若在家也因使之宿衛似寄軍令也先鄭云道謂先王所以教道民者謂若保氏云掌養國子以道而教之六藝道則師氏三德三行也藝謂禮樂射御書數亦保氏職文也

### 歲終則會其行事

注行事吏職也 釋曰稍食謂宮中官府等月祿故至月終會計之

歲終則會計行事吏職當考知功過也

### 凡邦之大事令于王宮之官

### 府次舍無去守而聽政令

注使居其處待所為 釋曰邦有大事謂國之大

事在祀與戎則令于王宮之官府次舍無去守謂使之皆在次舍不得去部所守而聽待政令須有所為

### 春

### 秋以木鐸脩火禁

釋曰春謂季春秋謂季秋二時火星出入之時以木鐸警眾使

大五十七

周禮三

二十五

徐信

### 脩火注

火星以春出以秋入因天時而以戒 釋曰火星則心星也公羊謂之大辰服注春秋云火出於夏

為三月於商為四月於周為五月故云以春出也季秋昏時伏於戌火星入故云以秋入云因天時而以戒者此

火謂陶冶鑄錮之火因天出火民則為之因天內火民則休之故云因天時戒之也此施火謂宮正於宮中特宜慎

火故脩火禁夏官司燿云掌行火之政令四時變國火以救時疾下又云時則施火令為焚萊之時故脩火禁也秋

官司烜云中春以木鐸脩火禁于國中注云為季春將出火也火禁謂用火之處及備風燥是二月預脩之三月重

掌事各有所為不相妨也 **凡邦之事蹕宮中廟中則執燭** 釋曰

凡邦之事謂祭祀之事王當出入來往時隸僕與王蹕止行人於宮中及廟中也王出向二處當侵晨而行爾時則

宮正為王執 **注** 鄭司農讀火絕之云禁凡國之事蹕國有燭為明也 事王當出則宮正王禁絕行者若今時衛



士填街蹕也官中廟中則執燭官正主為王於官中廟中  
執燭玄謂事祭事也邦之祭社稷七祀於官中祭先公先  
王於廟中隸僕掌蹕止行者宮正則執燭以為明春秋傳  
曰有大事於大廟又曰有事於武宮 釋曰先鄭讀火絕  
之則火字向上為句也其禁自與凡邦之事蹕共為一句  
宮正既不掌蹕事若如先鄭所讀則似宮止為王蹕非也  
云官中廟中則執燭者若不以邦之事與此官中為一事  
則官中廟中何為事而遣官正執燭乎亦非也又云若今  
時衛士填街蹕也者漢儀大駕行幸使衛士填塞街巷以  
止行人備非常也云謂事祭事也者謂在官中廟中二處  
皆有祭事也云邦之祭社稷七祀於官中者小宗伯云左  
宗廟右社稷在官中中門之外也依祭法王為羣姓立七  
祀曰司命曰中雷曰國行曰國門曰泰厲曰戶曰竈案司  
門云凡歲時之門受其餘則此七祀等是為羣姓所立者  
不在官中也祭法又云王自為立七祀者此則禱祀在官  
中者也云春秋傳曰有大事于大廟者左氏文二年秋八月

周禮三

二一六

陳司

丁卯大事于大廟是也云又曰有事于武宮者昭十五年  
春二月癸酉有事于武宮鄭引此者欲見隸僕蹕于宮中  
亦得兼廟中故公羊云魯公稱世室 大喪則授廬舍  
群公稱官則天子之廟亦有官稱也

### 辨其親疏貴賤之居

釋曰大喪謂王喪臣子皆為  
之斬衰則同廬舍所居則

異也云授廬舍者揔諸臣而 注 廬倚廬也舍聖室也親者  
辨其親疏貴賤之居異也 貴者居倚廬疏者賤者居

聖室雜記曰大夫居廬士居聖室 釋曰廬倚廬也者謂  
於路門之外東壁倚木為廬云舍聖室也者舍對廬故為

聖室聖室者兩下為之與廬異故名聖室也云親者貴者  
居倚廬者親謂大功已上貴謂大夫已上者居倚廬云疏

者賤者居聖室者疏謂小功緦麻賤謂士二者居聖室知  
義如此者以其經云辨其親疏貴賤明當如此解之也又

引雜記者彼是諸侯之臣其大夫居廬士居聖室彼注士  
舍聖室亦謂邑宰也朝廷之士亦居廬引之者證貴者居



廬賤者居聖室一邊之義耳其實彼諸侯禮不辨親疏貴賤而別其遠近並為天子之臣也

### 宮伯掌王宮之士庶子凡在版者

釋曰宮伯掌王宮中卿大

夫之適子庶子士之適子也凡在版者子弟皆有名籍以擬校比也注鄭司農云庶子宿衛

為之今時鄉戶籍謂之戶版玄謂王宮之士謂王宮中諸吏之適子也庶子其支庶也釋曰鄭司農云庶子宿衛

之官謂若夏官諸子職後鄭不從者彼諸子是下大夫此官伯中士不合掌之故不從也玄謂王宮之士謂宮中諸

吏之適子也者吏謂卿大夫士之摠號云庶子其支庶也者以其宮正掌宮中官府官伯掌其子弟故也案大司馬

云王弼勞其士庶子文與此同鄭彼注云弼其死者勞其傷者庶子卿大夫之子從軍者彼士為卿大夫士庶子為

卿大夫之子則兼適庶與此不同者彼更無弼勞卿大夫士身故上為卿大夫庶子中兼適庶是鄭望文以為義故

注與此不同也掌其政令行其秩敘作其徒役之事

注秩祿稟也叙才等也作徒役之事天子所用伯既掌士庶子所以有政令盡掌之也行其秩敘者秩謂

依班秩受祿叙者才藝高下為次第以作其徒役者士庶子屬天子隨其所用使役之也授八次八

### 舍之職事

注衛王宮者必居四角四中於徵候便也鄭司農云庶子衛王宮在內為次在外為舍玄

謂次其宿衛所在舍其休沐之處釋曰言衛王宮者必居四角四中者以其言八似若八方為四方四維然以四

角四中解之必於八所以為次舍者相徵察來往候望皆便故次舍皆八也司農云庶子衛王宮在內為次在外為

舍者庶子義上已破訖先鄭意內次外舍有所隔絕故後鄭不從也玄謂次其宿衛所在者謂宿衛之處稍在前為

之館也舍者若掌舍之舍亦舍息若邦有大事作宮



衆則令之

注謂王宮之士庶子於邦有大事或選當行釋曰事亦謂寇戎之事作起也謂起宮中之

衆使士庶子行則宮伯戒令之

月終則均秩歲終則均敘以時頒

其衣裘掌其誅賞

釋曰月終則均其秩秩祿稟則與宮正均稍食亦一也歲終則

均叙與宮正則異彼宮中官府故會其行事此其子弟故均其敘敘即上注才等也以時頒其衣裘夏時班衣冬時班裘掌其誅賞者士庶子有功則賞之有罪即誅之也也班之與賦皆賜授之義

周禮疏卷第三

周禮三

二十八

吳寧





